

|| Pavamāna Sūktam ||

pavāmānassuvarjanāḥ | pavitreṇa vicārṣaṇiḥ | yaḥ potā sa pūnātu
mā | pūnantu mā devajānāḥ | pūnantu manāvo dhiyā | pūnantu viśvā
āyavaḥ | jātāvedaḥ pavitrāvat | pavitreṇa punāhi mā | śukreṇā
devādīdyāt | agne kratvā kratūgṃranu | yatte pavitramarciṣi | agne
vitātamantarā | brahma tenā punīmahe | ubhābhyāṃ devasavitaḥ |
pavitreṇa savenā ca | idam brahmā punīmahe | vaiśvadevī pūnatī
devyāgāt | yasyai bahvīstanuvō vītapṛṣṭhāḥ | tayā madantaḥ
sadhāmādyeṣu | vayaggsyāma patāyo rayīṇām | vaiśvānaro rāsmibhirmā
pūnātu | vātāḥ prāṇeneṣiro māyo bhūḥ | dyāvāpṛthivī payāsā payobhiḥ |
ṛtāvārī yajñiyē mā punītām |

bṛhadbhiḥ savitāstṛbhiḥ | varṣiṣṭhairdevāmanmābhiḥ | agne
dakṣaiḥ punāhi mā | yena devā apūnata | yenāpō divyamkaśāḥ | tenā
divyena brahmaṇā | idam brahmā punīmahe | yaḥ pāvamānīraddhyeti |
ṛṣibhissambhṛtagṃrasam | sarvagṃ sa pūtamāsnāti | svaditam
mātariśvanā | pāvamānīryo adhyeti | ṛṣibhissambhṛtagṃrasam | tasmai
sarāsvatī duhe | kṣīragṃsarpirmadhūdakam | pāvamānīssvastyayanīḥ |
sudughāhi payāsvatīḥ | ṛṣibhissambhṛto rasāḥ |
brāhmaṇeṣvamṛtagṃhītam | pāvamānīrdīśantu naḥ | imam lokamatho
amum | kāmānthsamārdhayantu naḥ | devīrdevaiḥ samābhṛtāḥ |

pāvamānīssvastyayanīḥ | sudughāhi ghṛtaścutaḥ | ṛṣibhiḥ sambhṛto
rasaḥ | brāhmaṇeṣvāmṛtagmhitam | yena devāḥ pavitreṇa | ātmānām
punate sadā | tena sahasrādhāreṇa | pāvamānyaḥ punantu mā |
prājāpatyaṁ pavitraṁ | śatodyāmagmhiraṇmayam | tena brahma vidō
vayam | pūtam brahma punīmahe | indrāsunītī sahamā punātu |
somāssvastyā varuṇassamīcyā | yamo rājā pramṛṇābhiḥ punātu mā |
jātavedā moṛjayāntyaḥ punātu | om bhūrbhuvassuvaḥ ||

[om tacchaṁ yorāvṛṇīmahe | gātuṁ yajñāyā | gātuṁ yajñapataye |
daivī svastirāstu naḥ | svastirmānuṣebhyaḥ | ūrdhvaṁ jigātu bheṣajam |
śam nō astu dvipadē | śam catuṣpade | om śāntiḥ śāntiḥ śāntiḥ |]